

Es schwierig Protokoll

Der Wachmo Karl und sei Kollech
Der Säppä, die sen aufn Wech
und machn Streifngang.
Sie gehn die Stroeß entlang;
Auf aamol seng sie awos lieg.
(Mer könnnt dabei a Genshaut krieng!)

Es is a Leich, a totä Mo.
Grod vorm Lyzeum licht er do.
Der Karl, der hot sich gleich derfangt,
Hot schnell sei Büchla rausgelangt
Und schräbt des Protokoll gleicht nei:
"Um Mitternach fand Streife zwei
Den Mann - er hat nicht mehr gelebt -
Vor dem ... " er waas net, wie mers schräbt
Des Wort "Lyzeum". Des kummt vor!
Er schreit en Sepp, der is ganz Ohr
Wie er etzt secht: "Paß amol drauf,
Den Tatbestand nimmst Du do auf!
Zä lerna gibts do ziemlich vill
Wenns aanä zu wos brenga will!"

Der Sepp beginnt des Protokoll
Wie sowos halt beginna soll
Will mer net krieng vill Schererei:
"Um Mitternach fand Streife zwei
Die Leiche männlichen Geschlechts
Vor dem ..." des Wort werd aa nex rechts.
Er tut genau so steckn bleim
Und ko "Lyzeum" aa net schreim.
Der Sepp hot do an Geistesblitz.
Er secht: "Geh zu, Karl, mach ka Schnitz!
Wos Du ner für aa Wesn host!
Pack o, mir schlaaf na no die Post!"

